

POLITIK NA ISLA RIBA

Esaki ta un charla chikitu ku e politiko Sr. William Johnson, kandidato nr. dos riba lista di WIPM (Windward Islands People Movement) pa elekshon pa myembronan di Staten dia tres di ougùstùs, tambe partisipado den komishon di Reinado.

E partido WIPM a ser lantá pa sr. Johnson, kwa ta kontra DP, esta e partido di Wathey. Sr. Johnson kye tene relashon direkto ku Hulanda pa mas o menos 10 aña i su problema prinsipal ta gobyernu sentral. Sr. Johnson ta preferá pa Isla Riba (S.S.S.) ta kolonya di Hulanda ku di Corsow. Mas o menos 99% di e poblashon di S.S.S. ta pro relashon ku Hulanda. Segun Sr. Johnson lo kosta Hulanda ± 5 miyón florin pa aña pa tene

S.S.S. riba pia. Sr. Johnson nota mira un federashon komo u solushon favorable (tambe dor di "separashon" entre Aruba i Corsow i e "cold war" entre Saba i St. Maarten).

Segun Sr. Johnson: Claude Wathey myembro di "Staten" i uniko representante pa S.S.S. ya pa 13 aña no a hasi totalmente NADA pa Saba i Statia i ku den reunyón di "Staten" nunca ela bisa un palabra mas ku "si" i "no".

Manera Sr. Johnson a bisa, Wathey ta e "main Problem" i si Wathey desapparese anto tur kos lo kambya. Dia 9 di jüli Wathey tabata despues di 4 aña na Saba pa un reunyón publiko na The Bottom.

Wathey no a gaña ora ela bisa na

4

televishon hulandés ku kon e por sa kon e sitwashon na Saba ta si pa algun aña e no a bishité. Ridikula! Apesar di esaki tòg Wathey lo haya mas o menos 40% di e botonan.

Den e reunyón aki tambe tabata na palabra Matthew Livingstone, myembro di "eilandsraad", ku no por ni skirbi ni lesa i no ta eksistí un ley ku por kité di ta ser myembro di tal. Pa e mesun motibo meishoná Matthew no por aparese riba lista pa elekshon pa myembronan di "Staten", pwes komo ku e no ta representabel. Riba e pregunta di kon e preysnan ta asina haltu na Saba a pesar di ku no ta eksistí impwesto riba importashon Sr. Johnson di ku ta gobyernu sentral só por hasi algo kontra, pero si tin un persona foi Corsow ta bin kontrola, pero e resultado ta ku e preysnan ta sigui subi, tambe despues ku e pir a bin klá. E uniko solushon lo ta un boykot, loke ta difisil pa realisa.

Riba e pregunta kiko Sr. Johnson lo hasi pa S.S.S. si e wordu eligi komo

myembro di Staten, ela kontesta ku e lo bringa pa un ministro spesial pa asuntunan di Isla Riba, tambe pa kada isla haya un "aparte status", kada isla un representante den "Staten".

Sr. Johnson kyer mas komersyo ku Hulanda i Hapón i salaryo minimo pa S.S.S. igwal ku A.B.C. Tambe e kyer kambya artikulo 152, e kyer pa sekretario di isla ta apart di gezahèbro, tambe artikulo 129 mester wordu kambyá, pasobra te awó Isla Riba no mag fya sen na ningun banko, syendo A.B.C. si.

Segun Sr. Johnson un fabrika pa trahado lo ta sufisiente pa Saba. Sr. Johnson a bai Puerto Rico riba su mes kosto i a kosechá ku pronto Air Indies lo por aterisá na Saba ku ayudo foi Hulanda, esaki por tabata realidad prome si gobyernu sentral no tabata kontra.

Saba 13-7-'73.
M. A. Dijkhoff